



六度集經



百五十八  
教四

48362



元祿九年丙子二月日重脩

皇國葉國 帝潛綴呂

佛日增輝 轉輪常轉

山城州天安寺法金剛院置

Small square seal or stamp at the bottom right of the decorative frame.



六度集經卷第四

敢葺

吳天竺三藏法師康僧會譯

戒度無極經

凡十五章

戒度無極者厥則云何狂愚凶虐好殘生命  
貪餘盜竊姪洩穢濁兩舌惡罵妄言綺語嫉  
恚癡心危親戮聖謗佛亂賢取宗廟物懷凶  
逆毀三尊如斯尤惡寧就脯割俎醢市朝終  
而不爲信佛三寶四恩普濟矣



昔者菩薩爲清信士所處之國其王行真勸  
導臣民令知三尊執戒奉齋者捐賦除役黎  
庶巨細見王尚賢多僞善而潛行邪王以佛戒  
察觀民操有外善內穢違佛清化即權令而

勅曰敢有奉佛道者罪至棄市訛善之徒靡  
不釋真恣心從其本邪菩薩年者懷正真弔  
影之明聞令驚曰釋真從邪獲爲帝王壽齊  
二儀富貴無外六樂由心吾終不爲也雖一  
食之命得覩三尊至真之化吾欣奉之懷俗  
記籍萬億之卷身處天宮極天之壽而閻於  
三尊不聞佛經吾不願也稟佛之言即有戮  
死之患吾甘心焉經云衆生自投三塗獲人  
道難處中國難六情完具難生有道國難與  
菩薩親難覩經信之難貫奧解微難值高行  
沙門清心供養難值佛受決難吾宿功著今  
覩佛經獲奉三寶若值無道俎醢之酷湯火

之戾終不釋正從彼妖蠱也王命有司廉察  
違命者戮之市朝廉人見菩薩志固不轉奉  
事三尊至意不虧即執之以聞王曰戮之於  
市陰使人尋聽察其云菩薩就死誠其子曰  
軋坤始興有人之來衆生處世以六情亂行  
甚於狂醉尠覩三尊導清明化也尔幸知法  
慎無釋之夫捨佛法之行而爲鬼妖之僞者  
國喪必矣吾寧捨身不去真也王今悖誤尔  
無從焉廉者以聞王知行真即欣而請之執  
手昇殿曰卿真可謂佛弟子者矣拜爲國相  
委任治政捨佛清化之儔者復其賦役於是  
國境莫尚爲善佛告諸沙門時國王者弥勒

是也清信士者吾身是也菩薩執志度無極  
行持戒如是

昔者菩薩身為象王其心弘遠照知有佛有  
法有比丘僧常三自歸每以普慈拯濟衆生  
誓願得佛當度一切從五百象時有兩妻象  
王於水中得一蓮華厥色甚妙以惠適妻適  
妻得華欣懌曰冰寒尤甚何緣有斯華乎小  
妻貪嫉恚而誓曰會以重毒鴆殺汝矣結氣  
而殞魂靈感化為四姓女顏華絕人智意流  
通博識古今仰觀天文明時盛衰王聞若茲  
娉為夫人至即陳治國之政義合忠臣王悅  
而敬之每言輒從夫人曰吾夢覩六牙之象

心欲其牙以爲珮几王不致之吾即死矣王  
曰無妖言也人間笑尔夫人言相屬心生憂  
結王請議臣四人自云已夢曰古今有斯象  
乎一臣對曰無有之也一臣曰王不夢也一  
臣曰嘗聞有之所在弥遠一臣曰若能致之  
帝釋今翔於兹矣四臣即召四方射師問之  
南方師曰吾亡父常云有之然遠難致臣上  
聞云斯人知之王即現之夫人曰汝直南行  
三千里得山入山行二日許即至象所在也  
道邊作坑除尔鬚髮著沙門服於坑中射之截  
取其牙將二寸來師如命行之象遊處先射  
象著法服持鉢於坑中止住象王見沙門即

佞頭言和南道士將以何事賊吾軀命曰欲  
得汝牙象曰吾痛難忍疾取牙去無亂吾心  
令惡念生也志念惡者死入太山餓鬼畜生  
道中夫懷忍行慈惡來善往菩薩之上行也  
正使俎骨脯肉終不違斯行也修斯行者死  
輒上天疾得滅度矣人即截牙象曰道士當  
却行無令群象尋足跡也象適人去遠其痛  
難忍躡地大呼奄忽而死即生天上群象四  
來咸曰何人殺吾王者行索不得還守王哀  
號師以牙還王覩象牙心即慟怖夫人以牙  
著手中適欲視之雷電霹靂推之吐血死入  
地獄佛告諸沙門尔時象王者我身是也大



婦者裘夷是獵者調達是夫人者好首是菩薩  
薩執志度無極行持戒如是

昔者菩薩為鸚鵡王常奉佛教歸命三尊時  
當死死不犯十惡慈心教化六度為首介時  
國王好食鸚鵡獵士竟索覩鸚鵡群以網收  
之盡獲其衆貢于太官宰夫牧焉肥即烹之  
為肉鸚鵡王深惟衆王擾擾赴獄喪身迴流  
三界靡不由食告從者曰除貪捐食體疵小  
苦命可冀矣愚者饕餮心無遠慮猶若慳子  
貪刀刃之甚蜜不知有截舌之患吾今裁食  
介等則焉鸚鵡王日瘦由其籠自勢涌得出  
立籠上曰夫貪惡之大無欲善之景矣重曰

諸佛以貪爲獄爲網爲毒爲刃尔等捐食可  
如余焉菩薩自斯若爲凡人麁食供命弊衣  
蓋形以貪戒心無日不存福爲帝王輒以佛  
智觀國之累福高弘多其爲難筭矣非常無  
牢惟苦無樂夫有輒滅身爲僞幻難保猶霧  
難養若狼有眼覩焉靡不寒慄菩薩世出以

戒爲行遂成如來無所著正真道寂正覺爲  
天人師佛告諸比丘時鸚鵡王者吾身是也人  
王者調達是也菩薩執志度無極行持戒如是  
昔者菩薩爲王太子名曰法慧內清外淨常  
以履邪之禍自戒其心尊聖孝親慈濟衆生  
太子朝覲輒須相國進退如禮未嘗失儀王

之幸妾內懷邪媿出援太子太子力爭而獲  
免焉拍相首曰去矣其宥隕地相首無髮內  
妾笑之耻而懷忿妾向王泣曰妾雖微賤猶  
是王妻太子不遜有欲干妾王曰太子履操  
非佛志不念非佛教不言非佛道不行八方  
歎德諸國莫如豈有非乎讒言綴數以惑王  
心王曰骨肉相殘謂之亂賊吾不爲也拜爲  
邊王去國八千里曰介鎮境外則天行仁無  
殘民命無苟貪困黎庶尊老若親愛民若子  
慎修佛戒守道以死卅名姦僞齒印之教介  
乃信矣太子稽首泣涕曰不敢替尊誨即就  
錄土五戒十德慈化國民處位一年遠民慕

潤歸化雲集增戶萬餘以狀上問歎王德潤  
遠照使然王逮后妃喜而歎之妾殊懷怨與  
相為姦謀除太子伺王卧出以蠟作印詐為  
書尔有慢上之罪不忍面誅書到疾脫眼僮  
子付使還國使往至群臣僉曰斯妖亂之使  
非自大王也太子曰大王前齒今者信現愛  
身違親謂之大逆矣即與群臣相樂三日遍  
行國界周窮濟乏以佛影摸慈心訓民募能  
脫眼者賣菊兒即為出眼以付使者函之馳  
還本土相國以付嬖妾嬖妾懸著牀前罵曰  
不從吾欲鑿眼快乎大王夢蛇蜂螫太子目  
寤即哽噎曰吾子將有異乎嬖妾曰王存之

至聊有斯夢必無異也太子以琴樂索食濟  
命展轉諸國至妃父王之國王有妙琴呼而  
聽之其音咨嗟已先王之德未爲孤兒無親  
之哀音其妃解音哽噎曰吾君子窮哉王曰  
何謂妃具陳之辭親曰斯自妾命女二其姓  
非貞也請翼從至孝之君子二親舉哀妃將  
太子還其本國王聞有妙琴者呼而作之形  
容顛顛惟識其聲王曰汝是吾子法施者手  
太子伏地哽噎王后宮人舉國巨細莫不哀  
慟妃本末陳之王曰嗚呼女人不仁猶粃飯  
之糲毒佛教遠之不亦宜乎即收相國及嬖  
妾以棘笞之煬膠滴其瘡中燭即裂之爲坑

生理矣佛告諸比丘太子宿命嘗賣白珠彼  
妾時為富姓女乘車行路相國時為御者呼  
賣珠童曰視汝珠來持珠而不買媼視言調  
僮子恚曰不還吾珠而為媼視吾鑿汝目女  
及御者俱曰棘笞膠滴裂肉生理汝可乎夫  
善惡已施禍福自隨猶影之繫形惡熟罪成  
如響之應聲為惡欲其無殃猶下種今不生  
矣菩薩受佛淨戒寧脫眼而死不犯媼生也  
尔時太子法施者我身是也相國者調達是  
嬖妾者調達妻是也菩薩執志度無極行持  
戒如是

昔者菩薩兄弟三人遭世枯旱黎民相噉俱

行索食以濟微命經歷山險乏食有日兩兄  
各云以婦濟命可乎大兄先殺其妻分為五  
分小弟仁惻哀而不食中兄復然弟殊哽噎  
兩兄欲殺弟妻弟曰殺彼全己非佛仁道吾  
不為也將妻入山採果自供處山歷年山中  
有一跛人婦與私通謀殺其妻詭曰妾義當

勞養而君為之明日翼從願俱歷若曰山甚  
險阻尔無行也三辭不從遂便俱行歷婦若覩山甚  
高谷深排墜落之水邊有神神接令安婦喜  
得所還跛共居墜尋水行覩賁人焉本末自  
陳賁人愍之載至豐國其國王崩又無太子  
群臣相讓適無立者令梵志占行路之人有

應相者立之爲王梵志覩菩薩即曰善哉斯  
有道之君可爲兆民天仁之覆矣群僚黎庶  
揮淚歎善莫不稱壽奉載入宮授以帝位即  
以四等養民衆邪之術都廢之矣授以五戒  
宣布十善率土持戒於是天帝祐護其國鬼  
妖奔迸毒氣消歇穀果豐熟隣國化正仇憾  
更親襁負雲集婦嬰其跛瞽入國乞匄陳昔  
將聳避世之難今來歸仁國人巨細莫不雅  
竒僉曰賢婦可書矣夫人曰可重賜也王即  
親婦問曰識天子不婦怖叩頭王爲宮人奉  
末陳之執正臣曰斯可戮矣王曰諸佛以仁  
爲三界上寶吾寧殞軀命不去仁道也夫人



使人駢之出國掃其足迹佛告秋路鳥子王者  
吾身是跛人者調達是婦者好首是也菩薩  
執志度無極行持戒如是

昔者菩薩時為凡夫博學佛經深解罪福眾  
道醫術禽獸嗚啼靡不具照覩世憤濁隱而  
不仕尊尚佛戒惟正是從處貧窮因為賣賃  
擔過水邊飲群鳥眾噪賣人心懼森然毛豎  
菩薩笑之飲已即去還其本土願其賃直曰  
鳥鳴尔笑將有異乎荅曰烏云彼有白珠其  
價甚重汝殺取其珠吾欲食其肉故笑之耳  
曰尔不殺為乎荅曰夫不覩佛經者為滔天  
之惡而謂之無殃斯為自欺矣吾覩無上正

真之典籍觀菩薩之清仁蝻飛蚊行蠕動之類愛而不殺草芥非有即不取夫好殺者不仁好取者不清吾前世爲好取之穢今獲其殃處困陋之貧爲子債客今又犯之種無量之罪非佛弟子矣吾寧守道貧賤而死不爲無道富貴而生也貨主曰善哉惟佛教真菩薩執志度無極行持戒如是

昔者菩薩處世貧困爲賣人債入海採利舩住不行賣人巨細靡不恐懼請禱神祇上下周拯貧人惟三自歸守戒不犯悔過自責日夜各三慈心誓願十方衆生莫有恐怖如吾今日也吾後得佛當度斯類矣乃至七日舩

不移邁海神訛與貨主夢曰汝棄貧人吾與  
汝去貨主得夢愴然悼之私密言議貧人微  
察具照所以曰無以吾一人之體喪衆命也  
貨主作簿給其糶糧下著簿上推簿遠之大  
魚覆船盡吞賈人貧人隨風得岸還其本土  
九族欣懌貧人以三自歸五戒十善奉齋懺  
悔慈向衆生故得是福貧人者我身是也菩  
薩執志度無極行持戒如是  
昔者菩薩守戒隱居不慕時榮依蔭四姓爲  
其守墓若有喪葬輒展力助喪主感焉以寶  
惠之所獲多少輒還四姓四姓日子展力致  
此寶故爲相還道士曰吾守君野彼葬君地

大義論之寶即君有也四姓歎曰善哉古之  
賢者豈能踰子乎即擇青衣中有賢行兼華  
色者給之爲妻分家財以成其居道士曰進  
其行高其德尔時貧道士者吾身是也婁者  
裘夷是菩薩執志度無極行持戒如是

昔者菩薩身爲凡人歸命三尊守戒不虧與  
舅俱行銷賣自濟之彼異國舅先渡水止獨  
母家家有幼女女啓母曰後有澡槃可從賣  
人易白珠也母順女意以示賣人以刀刮視  
照其真實伴投地曰汗吾手矣即出進路母  
子耻焉僮子後至女重請珠母曰前事之耻  
可爲今戒也女曰觀此僮儒有仁人之相非

前貪殘矣又以示之僮儒曰斯紫磨金也盡  
吾貨易之可乎母曰諾童子曰旬吾金錢二  
枚以雇渡耶舅尋還曰今以少珠惠汝取屬  
槃來母曰有良僮子盡以名珠雇吾金槃猶  
謝其賤矣尔不急去且加尔杖舅至水邊蹋  
地呼曰還吾寶來性急推曾吐血而死甥還  
其金已覩殞矣哽噎曰貪乃至於喪身乎菩  
薩守信以獲寶調達貪欺以喪身僮子者吾身  
也勇者調達是菩薩執志度無極行持戒如是  
昔者菩薩無數劫時兄弟資貨求利養親之  
于異國今弟以珠現其國王王覩弟顏華欣  
然可之以女許焉求珠千万弟還告兄兄追

之王所王又覩兄容貌堂堂言輒聖典雅相  
難齊王重嘉焉轉女許之女情妹豫兄心存  
曰聳伯即父叔妻即子斯有父子之親豈有  
嫁娶之道乎斯王處人君之尊而爲禽狩之  
行即引弟退女登臺望曰吾爲魃蠱食兄肝  
可乎展轉生死兄爲獼猴女與弟俱爲鱉鱉  
妻有疾思食獼猴肝雄行求焉覩獼猴下飲  
鱉曰尔嘗覩樂乎荅曰未也曰吾舍有妙樂  
尔欲觀乎曰然鱉曰尔昇吾背將尔觀矣昇  
背隨焉半溪鱉曰吾妻思食尔肝水中何樂  
之有乎獼猴心恧然曰夫戒守善之常也權  
濟難之大矣曰尔不早去吾以肝懸彼樹上

蟹信而還猕猴上岸曰死蟹虫豈有腹中肝  
而當懸樹者乎佛告諸比丘兄者即吾身是  
也常執貞淨終不犯姪亂畢宿餘殃墮猕猴  
中弟及王女俱受蟹身雄者調達是雌者調  
達妻是菩薩執志度無極行持戒如是

昔者菩薩乘船度海採寶濟乏海邊有城苑  
園備有華女臨渚要其輩曰斯國豐沃珍寶  
恣求可屈入城觀民有無賈人信從鬼魅厭  
惑遂留與居積年有五菩薩感思二親本土

出城登山四顧遠望覩一鐵城中有丈夫首  
戴天冠儼然恭坐謂菩薩曰尔等惑乎以魑  
魅為妻捐尔二親九族之厚為鬼所吞豈不

惑哉尔等無寐察其真諍矣方有神馬翔茲  
濟衆可附旋居全尔身命若戀蠱毒死入斯  
城衆毒普加悔將無救菩薩承命訛寐察之  
覩真如云厥心懼焉明日密相告等人僉然  
各伺覩妻變爲狐體竟爭食人靡不撫然曰  
吾等死矣相驚徧豫懈即喪矣馬王臻曰孰  
有離居心懷所親疾來赴茲吾將濟尔賈人  
喜曰斯必天也群馳歸命妻即抱子尋跡哀  
慟其辭曰怨呼皇天爲妻累載今以爲鬼哀  
聲傷情辭詣王所厥云如上今者惶惶無由  
自恃惟願大王哀理妾情王召菩薩問其所  
由即以所覩本末陳之王覩色美疾遣誓去



內之後宮爲其姪荒國正紛亂鬼化爲狐日  
行食人爲害茲甚王不覺矣後各命終生死  
輪轉菩薩積德遂得爲佛狐鬼竟靈化生梵  
志家有絕妙之色佛時於作法縣求食食畢  
出城坐樹下梵志覩佛相好容色紫金項有  
日光若星中月覩佛若此其喜無量歸白兒  
母吾女獲誓其爲世雄疾以名服具世諸好  
梵志家室携乃女貢之道覩足跡妻曰斯無欲  
之神雄豈以姪邪亂其志乎父曰吾女國之  
上華胡高德而不迴耶妻即頌其義曰  
姪者曳足行 多恚斂拍步 愚者足築地  
斯跡天人尊 無自辱也

父曰尔薄智也戾而行矣以女獻焉世尊告  
曰第六魔天獻吾三女變為窶鬼今尔屎囊  
又來何為梵志恧然妻重耻之時有除饑進  
稽首曰願以惠余世尊戒曰尔昔為王女時  
為鬼以色誑尔吞盡尔民尔不厭乎除饑耻  
焉退禪獲定得溝巷道佛告秋鷲子菩薩自  
受城中人戒已旋家歸命三尊自誓辭去時  
當死死不復犯如來應儀正真覺清淨重戒  
積戒弘多佛道遂成尔時長者吾身是也王  
者今比丘是鬼者梵志女是城中天人者秋  
鷲子是菩薩執志度無極行持戒如是

太子慕魄經

聞如是一時佛在聞物國祇樹給孤獨園是  
時佛告諸沙門往昔有國名波羅柰王有太  
子名曰慕魄生有無窮之明過去現在未來  
衆事其智無疑端正暉光猶星中月王惟有  
一子國無不愛而年十三閉口不言有若瘖  
人主后憂焉呼諸梵志問其所由對曰斯爲  
不祥也端正不言何益大王後宮無嗣豈非  
被害哉法宜生理之必有貴嗣王即慙然入  
與后議后建宮人靡不哀慟嗟曰奈何太子  
祿薄生獲斯殃哀者塞路猶有大喪具者寶  
服以付喪夫喪夫奪其名服都共爲冢慕魄  
惟曰王道國人信吾真瘖即默歛衣入水淨

浴以香塗身具著寶服臨壙呼曰尔等胡爲  
荅曰太子瘖聾爲國之害王命生理冀生賢  
嗣曰吾即慕魄矣喪夫視車霍然空虛觀其  
形容曜曜有光草野遐迩猶日之明聖靈巨  
勢神動靈祇喪夫巨細靡不懾驚兩兩相視  
顏貌黃青言成文章靡不畏焉仰天而曰太  
子靈德乃之于斯即叩頭陳曰願旋寧王今  
衆不嗟太子曰尔疾啓王去吾能言人即馳  
聞王后兆民甚怪所以心歡稱善靡不悅豫  
車馳人奔殷填塞路慕魄曰吾獲爲沙門虛  
靜之行不亦善乎意始如之帝釋即化爲苑  
池樹木非世所覩即去衆寶衣化爲袈裟王

到已太子五體投地稽首如禮王即就坐聞  
其言聲光影威靈二儀為動王喜喻曰吾有  
尔來舉國敬愛當嗣天位為民父母對曰惟  
願大王哀採微言吾昔嘗為斯國王名曰須  
念處國臨民二十五年身奉十善育民以慈  
鞭杖衆兵都息不行囚圜無繫囚路無怨嗟  
聲惠施流布潤無不周但以出遊翼從甚衆  
導巨馳除黎庶惶懼終入太山燒煮割裂積  
六万年求死不得呼嗟無救當尔之時內有  
九親表有臣民貲財億載衆樂無極寧知吾  
入太山地獄燒煮衆痛無極之苦乎生存之  
榮妻子臣民孰能分取諸苦去乎惟彼諸毒

其爲無量每壹憶之心怛骨楚身爲虛汗毛  
爲寒豎言往禍來殃追影尋身雖欲發言懼  
復獲咎太山之苦難可再更是以縮舌都欲  
無言始十三年而妖導師令王生埋吾懼大  
王獲太山之咎勢復一言耳今欲爲沙門守  
無欲之行觀衆禍之門不復爲王矣願無在  
焉王曰介爲令君行高德尊率民以道過猶  
然駿非人所憶以之獲罪酷裂乃如之耶如  
吾今爲人主從心所欲不奉正法終當何之  
乎即聽學道王還治國以正不邪遂致豐樂  
慕魄即自練情絕欲志進道真遂至得佛廣  
說影摸拯濟衆生以至滅度佛告諸比丘時

暮魄者吾身是也父王者今白淨王是也母者吾母今舍妙是也夫榮色邪樂者燒身之鑪矣清淨澹泊無患之家矣若欲免難離罪者無失佛教也為道雖苦猶勝處天三塗為人即遠貧窶不處八難矣學道之志當如佛行也欲獲緣一覺應真滅度者取之可得佛說經竟諸沙門莫不歡喜稽首作禮

彌蘭經

聞如是一時佛在舍衛國祇樹給孤獨園時諸沙門閑居深惟世人習邪樂欲自始至終無厭五樂者何謂五樂眼色耳聲鼻香口味身細滑夫斯五欲至其命終豈有厭者乎日

中之後俱詣佛所稽首佛足退立白言吾等  
世尊惟世愚者惑于五欲至厥命終豈有馱  
者不佛告之曰覩世無足於彼五樂矣昔有  
五百賔人入海採利中有智者名曰彌蘭爲  
衆師御海有神魚其名摩竭觸敗其船衆皆  
喪身彌蘭騎板僅而獲免風漂附岸地名鼻  
摩登岸周遊庶自穌息覩一小徑尋之而進  
遙見銀城樹木茂盛間有浴池周旋四表甘  
水繞之有四美人容齊天女奉迎之曰經涉  
巨海厥勞多矣善賀吉臻今斯銀城其中衆  
寶黃金白銀水精琉璃珊瑚琥珀車磔爲殿  
妾等四女給仁使役晚息夙興惟命所之願



無他遊彌蘭入城昇七寶殿歡娛從欲願無  
不有處中千餘年彌蘭惟曰斯諸玉女不令  
吾邁其有緣乎伺四女寢竊疾亡去遙覩金  
城有八玉女迎辭如上玉女華容又踰四人  
城中寶殿名曰屑末明月真珠諸寶踰前壽  
數千万歲又疑八女不令吾邁其有由乎伺  
其卧出竊疾亡去又覩水精城有十六玉女  
出迎之矣其辭如上要將入城昇七寶殿城  
殿衆寶玉女光華踰前居中歲數又數千万  
意不厭足又伺諸女卧出亡去復覩琉璃寶  
城光曜弈弈有三十二女出迎跪拜虔辭如  
上要請入城昇七寶殿殿名鬱單其中衆寶

伎樂甘食女色踰前處中久長年數如上又  
伺諸女卧出亡去遙覩鐵城莫無迎者彌蘭  
惟曰銀城四女金城有八水精十六琉璃三  
十二玉女光世修虔相迎今不迎者將以貴  
故乎周城一帀有鬼開門彌蘭入城即見其  
鬼鬼名俱引鐵輪炯然走其頭上守罪人鬼  
取彼頭輪著彌蘭頭上腦流身焦彌蘭流淚  
曰自四之八自八之十六自十六之三十二  
處榮肩末殿鬱單殿吾以無足之行故獲斯  
矣何當離斯患乎守鬼荅曰其年之數如子  
來父子免斯殃矣火輪處彌蘭頭上六億歲  
乃免之矣佛語諸沙門彌蘭者吾身是也所

以然者未奉三尊時愚惑信邪母沐浴著新  
衣卧吾蹈母首故太山以火輪爍其首耳又  
常以四月八日持八關齋中心歡喜故獲寶  
城壽命巨億所願從心無求不獲覩世無足  
惟得道乃止耳佛告諸沙門彌蘭出太山獄  
閉心三惡絕口四刃檢身三尤孝順父母親  
奉三尊戴戒爲冠服戒爲衣懷戒爲糧味戒  
爲肴食息坐行不忘佛戒踏步之間以戒德  
成自致爲佛凡人之行不孝於親不尊奉師  
吾覩其後自招重罪彌蘭其類乎夫爲惡禍  
追猶影尋身絕邪崇真衆禍自滅矣佛說經  
竟諸沙門歡喜作禮

頂生聖王經

聞如是一時佛在舍衛國祇樹給孤獨園是  
時阿難閑居深惟衆生自始至終厭五欲者  
尠過日中後至佛所稽首畢退白言惟世尊  
吾閑坐深惟衆生知足者尠不厭五欲者衆  
世尊歎曰善哉善哉如尔之云所以然者往  
古有王名曰頂生東西南北靡不臣屬王有  
七寶飛金轉輪刀白象紺色馬明月珠玉女  
妻聖輔臣典兵臣王斯七寶覩世希有又有  
千子端正妍雅聰明博智天下稱聖猛力伏  
衆有如師子也王旣聖且仁普天樂屬壽有  
億數王意存曰吾有拘耶尼一天下地縱廣

三十二万里黎庶熾盛五穀豐沃比門巨富比  
世所希有吾國兼焉雖其然者願彼皇軋雨  
金銀錢七日七夜惠吾若兹不亦善乎天從  
其願下二寶錢滿其境界天寶之明弈弈曜  
國王喜無量人下拜賀日與群臣歡喜相樂  
民皆稱善獲無極樂數千万歲王又念曰吾  
有西土三十二万里七寶之榮千子光國天  
雨寶錢世未嘗有雖其然者吾聞南方有閻  
浮提地廣長二十八万里黎庶衆多靡求不  
獲吾得彼土不亦快乎王意始存金輪南向  
七寶四兵輕舉飛行俱到其土彼王臣民靡  
不喜從其土君民終日欣欣王止教化年數

如上王又念曰吾有西土今獲南土天人衆  
寶何求不有今聞東方弗于逮土三十六万  
里其土君民寶穀諸珍無願不有吾獲其土  
不亦快乎口始云尔金輪東向七寶四兵飛  
行俱至君臣黎庶靡不樂屬又以正法仁化  
君民年數如上比門懷德王又念曰吾有西  
土南土東土天人衆寶無珍不有今聞北方  
鬱單越土吾獲王之不亦善乎開口言願金  
輪北向七寶四兵俱飛如前始入其界遙覩  
地青如翠羽色王曰尔等覩青地乎對曰見  
之曰斯鬱單越地又覩白地曰覩之曰斯成  
擣稻米尔等食之又覩諸寶樹衆軟妙衣辟

欲相

左右

釧指環瓔珞衆竒皆懸著樹曰覩之乎對曰  
唯然曰尔等服之王治以仁化民以恕居彼  
年久其數如上又生意曰吾有三天下今獲  
北方四十万里意欲昇忉利天之帝釋所王  
意始然金輪上向七寶四兵飛行昇天入帝  
釋宮釋覩王來欣迎之曰數服高名久欲相  
見翔茲快乎執手共坐以半座坐之王左右  
願視覩天宮殿黃金白銀水精琉璃珊瑚琥  
珀車磔真珠以爲宮殿覩之心欣即又念曰  
吾有四國寶錢無數斯榮難去今天帝殞吾  
處其位不亦上願乎惡念興而神足滅釋還  
之故宮即獲重病輔臣問曰天王疾篤若在

不諱將有遺命乎王曰如有問王何以喪身  
荅如所覩以貪獲病遂致喪身夫貪殘命之  
刃亡國之基也去三尊處三塗靡不由之戒  
後來嗣以貪癡火燒身之本也慎無貪矣夫  
榮尊者其禍高矣寶多者其怨衆矣王終後  
嗣誦其貪戒傳世為寶四天下民尊其仁化

奉三尊行十善以為治法遂致永福世尊曰  
覩世甚能去榮貴捐五欲者惟獲溝巷頻來  
不還應儀緣一覺無上正真道寂正覺道法  
御天人師能絕之耳飛行皇帝所以存即獲  
願不違心者宿命布施持戒忍辱精進禪定  
智慧之所致不空獲也頂生王者吾身是也



佛說經竟阿難歡喜爲佛作禮

普明王經

聞如是一時佛在舍衛國祇樹給孤獨園佛告諸比丘昔者菩薩爲大國王名曰普明慈惠光被十方歌懿民願其休猶慈子之寧親也隣國有王治法以政力如師子走攫飛鳥宰人亡肉晨奔市索路覩新屍取之爲肴味兼畜肉後日爲饌甘不如焉王責太官宰人歸誠叩頭首之王心愆然曰人肉甘乎默勅宰人以斯爲常世尊曰夫厚於味者即仁道薄仁道薄者豺狼心興夫爲狼狗貪肉味而賊物命故天下讎焉宰人承命默行殺人以

供王欲臣民嗷嗷表聞尋賊王曰宜然密告  
宰人曰慎之哉有司獲之賊曰王命尔矣群  
臣諫曰臣聞王者爲德仁法帝精明則日月  
齊等后土潤齊乾坤含懷衆生則若虛空尔  
乃可爲天下王耳若違仁從殘即豺狼之類  
矣去明就闇瞽者之儔矣替濟自沒即坏舟  
之等矣釋潤崇枯即火旱之喪矣背空向窒  
即石人之心也矣夫狼殘瞽閉坏沒火燒石  
人之操不可爲宰人之監豈可爲天下王耶  
若崇上德即昌好殘賊則亡二義咸否惟王  
何之王曰孩童絕漣其可乎曰不可王曰余  
如之矣群臣僉曰豺狼不可育無道不可君

臣民齊心同聲逐焉王奔入山覩見神樹稽  
首辭曰令余及國貢神百王誓畢即行伺諸  
王出突衆取之猶鷹鷂之撮鸞雀執九十九  
王樹神人現顏華非凡謂阿群曰尔爲無道  
以喪王榮今復爲無酷將欲何望乎阿群前  
趣之忽然不現時普明王出察民苦樂道逢  
梵志梵志曰大王還宮吾欲有言王曰昨命當  
出信言難違道士進坐吾旋在今遂出爲阿  
群所獲投之樹下王曰不懼喪身恨毀吾信  
耳阿群曰何謂耶王具說道士見已之誓願  
一覩之受其重戒甚寶貢焉旋死不恨阿群  
放之還覩道士躬敷高座道士昇座即說偈言

劫數終訖 乾坤炯然 須弥巨海 都爲灰揚  
天龍福盡 于中彫喪 二儀尚殞 國有何常  
生老病死 輪轉無際 事與願違 憂悲爲害  
欲深禍高 瘡痍無外 三界都苦 國有何賴  
有本自無 因緣成諸 盛者必衰 實者必虛  
衆生蠢蠢 都緣幻居 聲響俱空 國土亦如  
識神無形 駕乘四蛇 無明寶養 以爲樂車  
形無常主 神無常家 三界皆幻 豈有國耶  
受偈畢即貢金錢万二千梵志重戒之曰尔  
存四非常其禍必滅矣王曰敬諾不敢替明  
戒即至樹所含笑且行阿群曰命危在今何  
欣且笑荅曰世尊之言三界希聞吾今懷之

何國命之可惜乎阿群媚曰願聞尊教王即以四偈授之驚喜歎曰巍巍世尊陳四非常夫不聞覩所謂悖狂即解百王各令還國阿群悔過自新依樹爲居日存四偈命終神遷爲王太子納妻不男王重憂之因募國女化之令男後遂泆蕩不從真道王恚之焉磔著

四衢命行人曰以拍權首苟辱之矣適九十九人而太子薨魂靈變化輪轉無已值佛在世生舍衛國早喪其父孤與母居事梵志道性篤言信勇力擘象師愛友敬遐迹稱賢師每周旋輒委以居師妻懷嬖援其手姪辭誘之阿群辭曰凡世者友男吾父之女吾母焉

豈況師之所敬乎燒身可從斯亂不敢順矣  
師妻慙然退思爲變背歸婦曰子歎彼賢足  
照子否矣具爲其過女媛似真梵志信矣師  
告阿群余欲仙乎對曰唯然曰余殺百人斬  
取其指今獲神仙奉命携劔逢人輒殺獲九  
十九人指衆奔國震覩母欣曰母至數足吾  
今仙矣佛念邪道惑衆普天斯儔也化爲沙  
門在其前步曰人數足矣追後不屬曰沙門  
可止荅曰吾止久矣惟余不焉曰止義云何  
荅曰吾惡都止余惡熾矣阿群心開霍如雲  
除五體投地頓首悔過叉手尋從將還精舍  
即爲沙門佛爲說宿行現四非常得躡巷道

退于樹下閉目叉手練去餘垢進取無著王  
召軍師戰士數万尋捕妖賊未知所之道過  
佛所曰王自何來身蒙塵土對曰國有妖賊  
殺無量民今尋捕之世尊告曰夫民先修德  
而退崇邪治國之政其法何之對曰先貴後  
賤正法治之若夫先載畜心退懷聖德正法  
何之對曰先賤後貴正法償之曰賊已釋邪  
崇真今爲沙門矣王歎曰善哉如來無所著  
正真道最正覺道法御天人師神妙上化乃  
至于茲乎始爲豺狼今爲天仁稽首足下又  
重歎曰斯化竒矣願一覩之世尊曰可王逮  
官屬造之而曰上德賢者可一開眼相面乎

如斯三矣荅曰吾之眼精耀射難當王稽首  
曰明日設微饌願一顧眄荅曰於廁吾往於  
殿則不至王曰惟命還則裂廁掘其地則新之  
樟梓楠材爲之柱梁香湯沃地栴檀蘇合鬱  
金諸香和之爲泥栴薊雜繒以爲座席雕文  
剋鏤衆寶爲好煒煒煌煌有踰殿堂明日王  
身捧香鑪迎之阿群就座王褰衣膝行供養  
訖畢即說經曰廁前日之汗豈可於飯乎對  
曰不可曰今可乎曰可矣阿群曰吾未覩佛時  
事彼妖蠱心存口言身行諸邪邪道穢化其  
爲臭汗甚彼溷矣屎汗可洗穢染難除賴蒙  
宿祚生值佛世沐浴清化去臭懷香內外清



淨猶天真珠夫不覩佛不知四非常者觀其志趣猶狂者醉之以酒矣不親賢衆而依十惡者其與豺狼共檻乎王曰善哉竒乎佛之至化乃令廁臭化爲栴檀矣說經竟即邁歷市聞有婦人逆產者命在呼吸還如事啓佛言尔往爲其產阿群憇然世尊曰尔望產去吾自生來慈向衆生潤濟軋坤者尔母子俱全矣受教而往至宣佛恩母子俱生退還尋塗疑已有殺人之酷而去普慈稽首質焉佛告阿群凡人心開受道之日可謂始生者也不覩三尊未受重戒猶兒處胎雖有其目將亦何覩有耳何聞故曰未生也阿群心開即

得應真道佛告諸比丘昔時普明者吾身是也吾前世授之四偈一偈百王今今得道不受重罪矣阿群宿命嘗為比丘負米一斛送著寺中上作刀一枚歡喜歎尊稽首而去負米獲多力上刀獲多寶歡喜獲端正歎尊獲為王作禮故為國人所拜九十九人擢其首

遂至喪身故殺前怨而斬其指後人欲擢見其已喪又覩沙門更有慈心後人即其母始有惡意故阿群始意亦惡覩沙門更慈故見佛即孝種淳得淳種雜得雜善惡已施禍福尋之影追響應皆有所由非從自然也比丘願言今汝逢佛得道如願獲焉供養三尊有

若絲髮沙門以慈呪願施者言如其言得万  
無一失菩薩執志度無極行持戒如是

六度集經卷第四

敢

虐反魚却戮六音脯割甫上音俎醢上音海肉几也醬也

潛反昨益操志七訛愚和反疇直流反侶

懌音亦鴆殺其直禁反鳥名能食地娉反正併

珮几上薄妹反翔音磬磬上音覓反牧音目養

為為下之疵疾斯反饕貪食下音鐵貪

猶霽普孝反出郭出援音園一遜恭也反說

諧助銜言也緻直利密也伺相寺反蠟郎塔摸莫胡景

法也 菊 楚俱反 壁 音閑釋 鑿 昨音 輦 呼各

音釋蟲 聊有 又土音察誠也 顛 賴 上自消反 糝

行毒也 棘 箬 上居力反 刺也 煬 膠 上音羊

滌 音滴 熇 苦老反 跛 必我反 詭 居委反 排 耳

上步皆反 賈人 上音商 適 無 上音的主也 仇 憾 上音求

胡暗反 襁 負 小兒居兩反 束 婦 嬰 下音一 憤 濁 古上

反妹 噪 鳥先到反 木 林 然 上音蓼 木長貞合 作 滔 天

上他 創 然 上正作愴 初 悼 傷 音盜 作 簿 下音排

以將載物度水也 比 人 日 猴 糧 二 字 音 懌 亦

刀 刮 下俱 削 也 踣 徒 塔 甥 還 上音生 姊 魃 蟲 蠱

上舊音古 今 慝 居六反 要 其 邀 上音 真 諺 俗 言 也 魚 見 反

慄 然 意 音武 失 臻 側 中 反 窳 鬼 上音舊 反 瘖 瘖 音陰

壙苦况反塚穴也反懾文心之業反說囹圄下音靈貴財上

斯反心怛下悲達反縮所六堵音靚酷苦毒反

計也盧音澹泊上徒敢反窶其主反僅渠進反屑

先結爍其上音歷擊也肴尸交踳音除說文

進退諱許謂反走攫取也又獲反嗷嗷反

吾高反衆瞽音古雙坏器未燒瓦室一知日反

反又丁威否上則郎反下夫九湏音凍突徒骨撮

鷓下食活反炯音同瘡疣上楚霜反下又休

蠢尺尹悖蒲沒姝一上夷磔著竹格反拍權

作確音學非此擊也經薨兄明反擘手八裂也嬖

開援音引也捕音步眇音視也廁初使去掘其勿樟

梓音上音子木章下楠材木上音南旃罽下焯

煌上音早 反 塞去 軋 媛下音野 湏去 困反 共

檻下音早 反 減隣韻 斛胡谷反 霽普孝反 糝

也 籠 檻 可以盛禽獸 反 六度集經第四卷 敢

